



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæst. 6. Vtrum, Deum esse, sit demonstrabile.

[urn:nbn:de:hbz:466:1-76990](#)

suā parte , &c. Ergo , qui Deum ita conciperet , immediate iudicaret ipsum existere ; quā est prima , vel vna ex primis passionibus eius . Tertio : quia nos de obiectis sensu perceptis immediate citra discursum iudicamus existere , et si ea cum suā existentiā connexa non sint ; eo quod per species proprias per sensus haustas illa concipi- mus . Igitur , qui per speciem propriam præstantiem , vt pote intellectualem , Deum conciperet aliam cum existentiā suā necessariō connexionē , multò præstantius haud dubie posset immediate iudicare , ipsum existere . Hæc satis modō : nam ex dicendis quæst. 6. proposit. 2. maiorem hæc pars lucem accipiet .

QVÆSTIO VI.

Virum, Deum esse, si demonstrabile.

94 **P**rima sententia absolutē negat . Pro quā sunt Petrus Aliacensis in 1. quæst. 3. artic. 2. Hochot. quæst. 4. Basfol. distinct. 2. quæst. 1. artic. 3. & distinct. 3. quæst. 1. artic. 3. Maior. distinct. 2. quæst. 1. Gaspar Cassal. lib. 1. de quadripartitā iustitiae cap. 16. referens pro se Andream de Castro nouo in 1. distinct. 2. quæst. 4. & Rabī Moyes lib. 3. cap. 6. Putant enim isti Doctores rationes , quibus probatur , Deum esse , et si fint valde probabiles , non tamen habere evidentiā ad demonstrationem requisitam . Id quod etiam videtur sentire Gabriel in 1. distinct. 2. quæst. 10. artic. 3. dub. 1. Aliunde arbitrantur , non posse propriè demonstrari , Deum esse , & gidiūs in 1. distinct. 3. 1. par. quæst. 3. Argent. quæst. 1. artic. 3. ad 2. & Abullen. in cap. 5. Exod. quæst. 2. quia nimurum , Deum esse , per se , & ex terminis est notissimum , vt ipsi opinantur .

95 **S**ecunda sententia est , etiam à priori posse demonstrari Deum esse , non quidem à nobis iuxta modum cognoscendi ordinariū , sed à Beatis mediā visione beatificā , aut etiam à viatorib⁹ , quibus Deus , vt potest , communicaret per propriam speciem notitiam claram , & quiditatuum , non verò intuitiuam , sed abstractiuam sui . Ita Scot. in 1. distinct. 2. quæst. 2. 3. Sed si queritur , & ibi eius discipuli communiter , Ocham distinct. 3. quæst. 4. Gabriel quæst. 4. artic. 2. Rubio ne distinct. 2. quæst. 1. artic. 2. Theodo. Smis. tract. 1. de Deo vno disput. 1. quæst. 5. num. 74. & indicant quidam Recentiores , quos tacito nomine citat Tamox referendus : neque dissentit in re Arriag. 1. par. disput. 2. sect. 2. num. 13. quidquid sit de modo loquendi .

96 **T**ertia , ac veluti media sententia afferit , à posteriori quidem posse demonstrari , Deum esse ; à priori verò non item . Sic sentit S. Tho. 1. par. quæst. 2. artic. 3. & quæst. 3. artic. 5. & lib. 1. contra Gent. cap. 12. Albert. in Sum. tract. 3. quæst. 17. Henric. in Sum. artic. 22. quæst. 1. & 4. Bonau. in 1. distinct. 2. par. 1. artic. 1. quæst. 2. Duran. in 1. distinct. 3. quæst. 3. & 4. Aureol. distinct. 2. quæst. 2. artic. 6. Molin. 1. par. quæst. 2. artic. 2. Caiet. ibid. & reliqui Thomista communiter , Valent. pun. 1. Vazq. disput. 20. Fasol. dubit. 1. 2. & 3. Gill. lib. 1. tract. 8. cap. 4. & 5. Soar. disput. 29. Metaph. sect. 3. & lib. 1. de Attrib. cap. 1. Gran. 1. par. controu. 1. tract. 1. disput. 1. & 2. Tan. disput. 2. quæst. 1. dub. 3. Arriag. supra . Pascualigus tom. 1. lacra doctrinæ disput. 7. sect. 3. & 4. Præposit. 1. par. quæst. 2. artic. 2.

Auers. quæst. 2. sect. 1. Francis. Amic. disput. 2. sect. vnicā , Recupit. lib. 1. de Deo quæst. 8. & 9. Martin. 1. par. disput. 2. quæst. 1. Quiros disput. 13. sect. 1. & apud eos alij plures .

Pro resolutione suppono ex dictis latius in , 97 Pharo Scient. disput. 19. quæst. 8. & disput. 20. quæst. 11. eam esse propositionem demonstrabilē , quæ per evidentem illationem ex evidentiis principijs infertur . Demonstrationis autem duplex imprimis genus est . Alia enim est demonstratio ostensiua . Alia deducens ad impossibile . Ostensiua dicitur ea , in qua iudicatis principijs , directe pergit ad iudicandam conclusionem propter connexionem principiorum cum illā . Deducens autem ad impossibile appellatur , in qua , accepto contradictorio eius , quod assumitur demonstrandum , ex illo tanquam ex principio supposito discutitur inferendo intellectus , donec incidit in aliiquid planè impossibile , aut manifestè falsum . Vnde regrediendo concludit , falsum esse id , vnde tale quid est illatum ; (cū falsum ex vero nequeat inferri) ; & consequenter verum eius contradictorium . Quod fuerat assumptum demonstrandum . Porro demonstratio ostensiua rursus est duplex . Alia , quam vocant à priori , sive propter quid , in qua per causam demonstratur effectus . Alia , quam dicunt à posteriori , sive quia , vel quod , in qua per effectum demonstratur causa . Impræsentiarum autem nominis causa id omne venit appellandum , quod prius quoquo modo est alio seu physicè , seu metaphysicè ; & nomine effectus , quod posterioris . His ego addo aliam speciem demonstrationis ostensiua , quam immerit prætermisserunt Aristotelici , nempe , quæ neque est à priori , neque à posteriori , sed à similitudine . De quibus omnibus plura loco citato .

Propositio 1.

Hæc propositio Deus est neutiquam , 98 est demonstrabilis à priori respectu nostri , spectato modo ordinario , quem habemus intelligendi .

Ita omnes . Et probatur facile . Primum enim existentia Dei non habet causam physicam sui , vt constat . Ergo non potest demonstrari à priori per causam physicam . Deinde nec per essentiam metaphysicam Dei prius cognitam , (quæ sola diei potest veluti causa metaphysica , sive radix eorum , quæ dicuntur de Deo) , potest à priori demonstrari existentia . Nam hæc vel pertinet intrinsecè ad ipsam essentiam metaphysicam , vt multi arbitrantur ; & sic per illam nequit demonstrari à priori : quia neque idem per se ipsum , neque pars per totum est à priori demonstrabilis , vt est notissimum . Vel est prima , aut ex primis passionibus talis essentia , vt nos censemus , constabitque ex dicendis quæst. 10. & neque ita per illam à priori demonstrabilis est : quia essentia metaphysica Dei non est à nobis cognoscibilis ante suas passiones , prout oportebat , vt hæc per illam demonstrarentur ; sed potius per passiones ipsas primitus nobis explicatur , & innoscit , prout dicemus ibidem . Tum conceptus quem de essentia vt à passionibus præcisā formanus , undeunque formem illam , obscurior est , quām , vt possimus eo præuenti deprehendere connexionem , quam ipsa essentia habet cum suis passionibus , vt quæst. præced. num.

num. 60. dicebamus. Tali autem connexione, non nota, necunde possumus induci ad demonstrandas passiones per essentiam. Igitur per essentiam metaphysicam immediate non est à nobis demonstrabilis à priori existentiæ Dei. Sed neque est per passionem aliquam se priorem: cum ipsa sit omnia prima, aut ex primis, vix supponimus. Igitur nullo modo existentia Dei est à nobis demonstrabilis à priori.

Propositio 2.

99 Hæc propositio *Dens est* respectu Beatorum Deum intuentium non est demonstrabilis à priori. Benè tamen respectu eorum, qui Deum per propriam speciem cognoscerent cognitione quiditatim, & clara, sed præscindente ab existentiæ.

In priore parte propositionis dissentio ab Scotistis; consentio tamen cum illis in posteriore. Ut utramque probem, suppono primum, iam hinc non esse sermonem de demonstratione existentiæ Dei per causam physicam, qualem notum est non habere, sed solum per causam metaphysicam, qualis dumtaxat dici potest essentia Dei, vt etiam Scotisti supponunt.

100 Secundo suppono, existentiam Dei duobus modis, quod ad rem attinet, posse ex cogitari cognoscibilem claram, & per propriam speciem. Primum ut existentem absolute, sicut realiter est in se. Secundum cum precisione ab existentiæ absolute. Priori modo cognoscitur de facto à Beatis. Posteriori censem Scotistarum posse cognosci extra beatitudinem. Quibus ego in hac parte consentio; et si alii plurimi contradicant. De quo ex professo agendum infra Tract. 8. vbi de visione claram Dei fermo erit. Itaque pono modum, possibilem esse cognitionem absolutam habitam, per speciem propriam, qua clare noscatur, seu iudicetur, quid Deus sit secundum se, siue ex conceptu suo obiectivo; non vero, an sit à parte rei; & de hac ago in propositione. Neque alia esse potest, quam ponunt Scotistarum quiditatiam, absolutam, & abstrahentem ab existentiæ, quacunque demum ratione explicitam illam.

101 Igitur per essentiam diuinam prout visam, visione beatificâ nullatenus posse à priori demonstrari existentiam Dei, qua est prima pars propositionis, viderur clarum. Quia nihil potest per se ipsum demonstrari à priori, ut constat. Sed existentia Dei, & essentia utrumquid prorsus indiuimus sunt obiectum visionis beatificæ: quia visio intuitiva non præscindit in obiecto formalitatem, ut nostra imperfetta cognitio. Ergo per essentiam diuinam ut visam beatificè nullatenus existentia Dei potest demonstrari à priori. Confirmatur. Nam Deus claram visum ut actu existens, qualiter videtur per visionem, non potest mouere intellectum videntis, ut iterum cognoscatur illum ut existentem: quia impertinet, & inutilis esset hæc motio, procelsumque in infinitum arguens similium motionum. Et licet moueret, hoc genus discursus ex una cognitione ad aliam eiusdem obiecti non esset demonstratio: quia solum dicitur demonstrari, quod, cum vi prioris cognitionis esset ignoratum, per posteriorē natam ex priore innotescit.

102 Secunda pars propositionis ex dictis quæst. 5. proposit. 5. probanda venit. Si enim, ut ibi sta-

timus, qui Deum per speciem propriam quidatim, & claram conciperet, non potest non comprehendere connexionem, quam ille habet cum suā existentiæ actuali; ex terminisque subinde apprehensionis iudicare immediate posset, ipsum existere: consequens est, vt possit etiam, ex existentiæ Dei prius iudicata prout sic cum existentiæ suā connexā inferre demonstratiū, ipsum existere. Quandoquidem, quoties ex quāvis existentiæ apprehensa aliqua prima passio eius est immediate iudicabilis vi connexionis comprehensa existentiæ cum passione, de eadem existentiæ, connexionemque iudicatā eadem passio inferibilis per discutitum, atque ita demonstrabilis est. Qui enim sic iudicat. Totum est maius suā parte; sic etiam poterit inferre. Est totum. Ergo maius suā parte.

Verum contra hanc secundam partem propositionis ita obisci potest. Eatenus solum dicitur demonstrari posse à priori existentia Dei vi predictæ cognitionis quiditatius eius, quatenus per illam clarissimè sciretur, quid est Deus ex sua conceptu obiectivo, atque adeò, esse eum ex tali conceptu omnino necessariò connexum cum suā existentiæ actuali. Sed hoo ipsum, eti per alias species, possumus nos euidentissimè pro libito scire de Deo hoc ipso, quod pro libito possumus Deum apprehendere ut necessariò omnino connexum cum suā existentiæ actuali, talique supposita apprehensione, euidentissime iudicare, esse eum talum ex suo concepitu obiectivo. Ergo à nobis quoque est demonstrabilis à priori existentia Dei. At hoc est falsum, vt patet ex proposit. 1. Ergo & illud, ex quo sequitur falsum est. Et confirmari potest. Quia quantumvis nos euidenter iudicare possumus, ut verè possumus, de ente apprehenso ut existente, esse illud necessariò connexum cum existentiæ, aut etiam actu existens ex suo conceptu obiectivo; nequam per tale iudicium induci possumus ad inferendum, tale ens esse existens reuerà in statu existentiali, ut constat ex doctrinâ statuta quæst. 5. Ergo neque cognoscens Deum quiditatius per propriam speciem posset induci ad inferendum, eum existere in statu existenciali reuerà, quantumvis euidenter iudicaret, esse ipsum necessariò cum existentiæ connexum, aut etiam existens ex suo conceptu obiectivo. Quod enim huiusmodi iudicium per proprias, aut per alias species habebatur, dummodo per utrasque fias euidentis, nihil ad rem videtur referre. Nec magis in uno, quam in altero casu ab statu quidatuo, seu obiectivo ad existentiale videtur aditus patere.

Respondeo consentaneè ad doctrinam traditam dictâ quæst. 5. proposit. 4. qui cognosceret Deum quiditatius, & claram per propriam speciem, ita iudicaturum, esse eum cum existentiæ connexum, aut essentialiter existens ex suo conceptu obiectivo, ut iudicaret etiam, esse eum reuerà, & absolute possibilem, id est tam, ut si existat, sine contradictione existet: eiusmodi quippe cognitione planè perspicueretur, entitatem diuinam ab omni prorsus contradictione immunem undeque esse. De ente autem ex una parte necessario, siue essentialiter existente ex conceptu suo, ex alia autem reuerà, & absolute possibile, ut talique iudicato euidenter, euidenter est iudicabile, quod existit in statu absolutè reali: quemadmodum de ente euidenter impossibili absolute, & reuerà euidenter est iudicabile, quod non existit, ut loco citato dicebamus. Ast nos

C 2 pro

pro statu presenti ; quantumvis concipiamus Deum cum existentiā connexum, aut essentialiter existentem , de coque vt sic cum evidentiā iudicemus , esse talem ex suo conceptu obiectiuo . An verò ille ab omni latere ita sit à contradictione exemptus , vt si existat , sine contradictione existet , prout requiritur , vt sit ens absolute possibile , vi talis cognitionis , utpote ex suo genere praecisiuꝫ , scire non possumus ; atque adeo nec iudicare possumus , an ille , vti nobis apparet , à parte rei absolute existat , an secus . Ex quo ad argumentum factum , ad eiusque confirmationem patet solutio .

103 Aliter tamen contra eamdem partem obiecti potest . Qui per propriam speciem quiditatē iudicaret , quid est Deus , non posset non eodem actu iudicare , esse eum actu existentem à parte rei ; quandoquidem aquē est de essentiā physica Dei , esse à parte rei existentem , ac esse sapientem , bonum , omnipotentem , &c. Igitur respe . Etu habentis tale iudicium nullatenus est demonstrabilis à priori existentia Dei ; sicut neque est respectu habentis visionem beatam : quia per existentiam prius cognitam ipsa existentia demonstrari non posset , vt arguebamus pro prima propositionis parte . Hoc argumentum tacite impugnat possibilitem cognitionis quiditatē Dei , & non intuītū , sed præscindens ab existentiā absoluta eius , quam modō ponimus esse possiblēm , id latius probaturuſ infrā Tract. 8. de visione . Interim tamen respondeo ad illud uno verbo , per eiusmodi cognitionem necessario fore iudicandum Deum existentem ex suo conceptu obiectiuo : quo etiam pacto iudicaretur omnipotens , sapiens , & bonus ; secus existentem in statu existentiali : ab existentiā enim Dei prout in tali statu præscindet talis cognitio ; atque adeo ad illam vt sic alio iudicio iudicandam , discursu interveniente , posset inducere .

Propositio 3.

105 Hæc propositio Deus est quodam genere demonstrationis à priori erit etiam demonstrabilis respectu nostri prout cognoscētū per species alienas , si fiat per illas nobis revelatio euidens alicuius veritatis conditionatē .

Veritas conditionata potest esse hæc , aut alia similis , Si Deus est existens ex suo conceptu obiectiuo , Deus existit à parte rei . In qua licet conditio , quæ est existentia Dei prout in statu obiectiuo , sive quiditatē connexa reverā sit cum conditionato , quæ est existentia Dei prout in statu existentiali absoluto ; occulta tamen nobis est pro statu præsenti talis connexio ; atque adeo huiusmodi conditionata propositione ex terminis absentie non possumus citra revelationem , vt constat ex doctrinā traditā quæst. 5. prop. 3. & 4. Poterimus tamen , & euidenter , si nobis eius revelatio euidens fiat . Supponendum est autem , quod apud omnes est in confessō , ex veritate conditionata , & purificatione conditionis euidenter inferri veritatem absolutam , in quam transit conditionata . Hæc namque illatio euidens est Si Petrus currit , mouetur . At Petrus currit . Ergo mouetur . Pariterque consimiles .

107 Hinc planè se dat propositionis nostræ probatio . Quandoquidem ijs ita positis , illa propo-

sitio Deus est , seu Deus existit à parte rei manifestè sic demonstratur à priori , si Deus est existens ex suo conceptu obiectiuo , Deus existit à parte rei . At Deus est existens ex suo conceptu obiectiuo . Ergo Deus existit à parte rei . Maior huius syllogismi supponitur euidens ex diuinā revelatione . Minor ex terminis est euidens : quia supposito , quod Deus apprehendatur vt existens , euidens est esse eum existentem ex suo conceptu obiectiuo ; nemo autem est , cui non sit integrum illum ita apprehendere , vt ex dictis in hac , & præced. quæstatis est notum . Illatio etiam euidens est iuxta doctrinam nuper statutam . Ergo conclusio est demonstrata . Quod autem demonstratio sit ex generis earum , quæ demonstrationes à priori dicuntur , probatur clare : quia ex una parte termini , per quos monstratur conclusio , spectati secundum se nullo modo sunt posteriores terminis conclusionis , cum sint idem : ex alia vero , quæ ratione conferunt ad demonstrationem , veritates constituant priores ratione status veritatis demonstrandæ : maior enim syllogismi facti pertinet ad statum conditionatum , minor ad statum quiditatuum , seu obiectiuum , qui ambo , utpote uniusversaliores , priores sunt statu existentiali absoluto , ad quem conclusio pertinet , prioritate independentia non mutua iuxta doctrinam de prioritatibus traditam in Pharo Scient. disput. 1. 5. Iure igitur huiusmodi demonstratio dicetur à priori . Neque enim à posteriori dici potest , neque à simultaneo proprietate . Alind autem genus demonstrationis , præterquam à priori , non sufficeret .

Propositio 4.

Hæc propositio Deus est à posteriori **108** est demonstrabilis respectu nostri secundum modum naturalem , quem habemus intelligendi .

Hæc est communis Theologorum , adeoque certa , vt oppositam multi dāmunt varijs censuris . S. Tho. cap. illo 12. ex lib. 1. contra Gent. eam appellat errorem . Valent. suprā pun. 2. dicit , merito illam existimari erroneam . Soar. cap. illo 1. ex lib. 1. de Attrib. num. 13. valde consentaneum fidei dicit esse propositionem nostram , & eam negare temerarium esse , & errori proximum . Vazq. suprā num. 7. oppositam ait merito temerarium censeri . Recupitus illam censet erroneam . Quas censuras alij præterea comprobant ex præcitatibus Doctoribus pro tertia sententiā num. 96. Theodor. tamen Smifin. tract. 1. de Deo uno disp. 1. quæst. 4. num. 61. ab omni censurā theologicā vindicat sententiam nostrā propositioni oppositam ; et si addat , esse eam temerariam in Philosophia : ex Scriptura enim , & Patribus tantum haberi , cum certitudine morali esse Deum à nobis cognoscibilem . Quod etiam docet Pasquali . suprā sect. 4.

Probatur autem imprimis testimonij斯criptura . Sap. enim 13. inter alia , quæ fatis ad rem proferuntur , sic dicitur . A magnitudine enim speciei , & creatura cognoscibiliter poterit creator horum videri . & ad Rom. 1. Quia , quod notum est Dei , manifestum est in illis : Deus enim illis manifestauit . Inusitata enim iſus à creaturā mundi per ea , quæ facta sunt , intellecta conspicuntur , sempiterna quoque virtus eius , & diuinitas , ita , vt sint inexcusabiles . Facit etiam illud Psal. 18. Cali

Disp. I. De essent. exist. & cognos. abst. Dei. Quæst. VI. 21

Cœli enarrant gloriam Dei, &c. Et illud Acto. 14.
Non sine testimonio semetipsum reliquit beneficium
de Cœlo, dans pluvias, &c. Quanquam enim
Vazq. suprà num. 8. Gillius cap. 5. num. 5. & alij ar-
bitrentur, per hæc testimonia non probari pro-
positum; Scripturam enim solum contendere
his in locis, esse Deum ab hominibus naturaliter
cognoscibilem per creaturas: vtrum vero notitia
evidente, vel solitim probabili, non curate. Me-
lius tamen Soar. libello 1. de Attrib. cap. 1. num. 15.
Fasol. dubit. 2. num. 8. Gran. sect. 1. Tan. Arriag. &
alij communiter docent, Scripturam de notitia
evidente, ac demonstratiua tractare. Id enim
præ se ferunt illa verba toties ingeminata. Cogno-
scibiliter videtur; notum est; manifestum est; manife-
stant illis; intellecta conspicuntur, &c. Quæ qui-
dem, quando materia non obstarat, sed potius
iuuat, ut in præsenti, cum omni sua proprietate
sunt omnino accipienda; secundum quam planè
significant notitiam evidenter. Tametsi alij in
locis pro notitia solum probabili usurpent in
Scripturā; coarctatā scilicet, sive translata ratio-
ne materia propria significatione eorum ad minus
proprium.

¹¹⁰ Contentiūt communiter Patres. Hieron.
enim ad illud Pauli intellecta conspicuntur addit.
Tam evidenter intellecta sunt, ut conspicita dicantur.
August. trac. 2. in Ioann. ait, Deus potest inueniri per creaturam evidenter, dicente Apostolo, inuisi-
bilia enim ipsius, &c. similia habet lib. 1. Confes.
cap. 6. & lib. Solil. cap. 31. S. Maxim. cent. 3.
cap. 8. Conspicua, inquit, creatura claram præbet
notitiam, quod sit Conditor; at non quis sit. Dio-
ny. cap. 7. de diuin. nomin. ait. Per scientiam Deus
cognoscitur. In eadem sententiâ sunt Tertull.
lib. 1. aduers. Marcion. cap. 11. Basili. orat. de Verb.
incarn. Nisen, disput. de anim. & resurrect. Damasc.
lib. 1. de fide cap. 1. Iustin. ad quæstionem 6. Gen-
til. Athan. orat. contra idola. Cyprian. de Idolorum
vanitate. Beda serm. in Psal. 52. Ambros. in cap. 1.
ad Roman. Et alij passim. Item, qui à naturâ
dicunt, esse infinitam notitiam Dei, quorum testi-
monia aliqua dedimus suprà quæst. 2. Nénon,
Nazianz. orat. 24. quæ est 2. de Theologâ citatus
à Vazq. pro se; quasi senserit conjectura solum
colligi per creaturas, esse Deum: cùm tamen
alia versio conformior textu græco, quam ea,
qua virtut Vazq. pro illis verbis conjectura collig-
it habeat ratione concludit. Esse autem huius-
modi ratiocinationem demonstratiua iuxta-
mentem Gregorij, verba sequentia eius satis de-
clarant. Præmissa enim similitudine de cognoscente
evidenter artificem, & citharædum, visâ
citharæ, & auditio eius concentu, subiungit. Sic
& nobis non potest non esse manifestum id, quod &
condidit uniuersa, & condidit mons, & conservat.
Adeoque prorsus bebetis esse hominem iudicij necesse
est, qui non sponte sua, naturaliumque demonstratio-
num vestigijs inherens eō progrediatur.

¹¹¹ Accedunt insuper Ethnici attestantes. Ari-
stot. enim multis in locis conatur demonstrare,
esse Deum. Et in lib. de Mundo ad Alexand. ait.
Cùm Deus uniuersæ mortalis naturæ minus cerna-
tur, ex ipsius nimis operibus satis perspicitur.
Clarius ad rem Tull. lib. 2. de natura Deorum.
Paulò post principium ita loquitur. Quid potest
esse tam apertum, tamque perspicuum, cùm cœlum
suspenimus, celestiaque contemplati sumus, quam
aliquid esse Numen præstantissima mentis, qua hæc re-
gantur? Et lib. 2. de diuinat. circa finem. Esse,
inquit, præstantem aliquam, eternamque naturam,

& eam suspiciendam, adorandamque hominum gene-
ri, pulchritudo Mundi, ordoque rerum cœlestium cor-
git confiteri. Similia habent alij.

Ratione etiam probari potest propositio. ¹¹²
Primò: quia quoties existentia effectus evidens
est, conexioque eius necessaria cum causa manifeste
apparet, tunc cause existentia per effectum
à posteriori est demonstrabilis. Sed existentia
creaturarum evidenterissima est, ut paret; connexio
etiam necessaria eorum cum Deo manifeste se pro-
dit, ut ex dicendis quæst. seqq. competum fieri.
Igitur existentia Dei per creaturas à posteriori est
demonstrabilis.

Secundò: quia, cùm Deus sit naturalis finis ¹¹³
creatuarum rationalium, prout latè explicitant
& probant Theologi ad 1. 2. S. Tho, necessarium
profecto fuit, ut via manifesta pateret hisce
creaturis, qua rectâ, & citra erroris periculum
in finem suum tendere possent; qualis est solum
notitia evidens talis finis proprijs ipsatum viri-
bus acquirenda. Neque enim nobilissimis crea-
turis negandum erat, quod ignobilioribus datum
est, ut suum unaquaque finem certâ viâ consequi
valeat.

Tertiò: quia supremo Numinis naturaliter ¹¹⁴
debetur cultus à creaturis rationalibus exhiben-
tibus. Ergo naturaliter quoque debocunt illæ es-
se præuentæ tali lumine, quo citra errorem possent
cognoscere, cuinam huiusmodi cultum, ad
quem etiam à naturâ nascentur inclinata, delatu-
ra erant; cuiusmodi dumtaxat est lumen rationis
compos ingerente notitiam claram, & evidenter
ipsius Numinis.

Sed obijciunt contra nostram propositionem ¹¹⁵
primò. Deum esse, est articulus fidei ex necessita-
te credendum. Ergo, Deum esse, non est veritas
demonstrabilis. Nego consequentiam interim;
dum totam huius argumenti materiam trago ex
professo quæst. 9.

Secundò obijciunt Patres sepe docen- ¹¹⁶
tes, non posse hominem sine speciali adiutorio
Dei, aut sine diuinâ illustratione ipsius Dei co-
gnitionem confondere. Quo videntur significare
solo lumine naturali absque ope luminis fidei non
posse nostrum intellectum notitiam Dei assequi.
Ita August. lib. 2. de ciuit. cap. 7. & lib. 15. cap. 6.
Serm. 55. de verbis Apost. epist. 11. 2. & de Prædest.
Sanctorum, sepeque alibi. Prosp. lib. 2. de vocat.
Gent. cap. 17. Damasc. lib. 1. fidei cap. 2. & alij. Pa-
cit etiam Concil. Arauf. 2. Can. 22. dicens, Homi-
nem nihil babere de suo, nisi mendacium, & pecca-
tum; nempe, in his, quæ ad salutem pertinent ut
cap. 7. se exponit. In quibus primum est cognoscere de Deo quia est secundum Apostolum ad
Hæbr. 11. Respondeo Patres eo loquendi gene-
re tantum intendere; aut homines facilius, cer-
tius, securiusque, & uberiori per fidem, quam
sola naturali ratione venire in notitiam eorum,
quæ naturaliter de Deo cognoscibilia sunt; aut
certe lumen naturale sine adiutorio gratia per
Christum non posse quidpiam de Deo assequi,
prout oportet ad salutem, & vitam æternam;
id quod Concilium intendit Araus; prout fuisus
ediffirerit in Tract. de grat. Per hæc tamen
non tollitur, intellectum humanum virtute natu-
ræ, quam haber, demonstratiue posse cognoscere,
Deum esse.

Tertiò obijicitur, Creaturæ sunt quid con- ¹¹⁷
tingens. Ergo ex creaturis Deus non potest de-
monstrari; quia demonstratio iuxta Arist. lib. 1.
Post. cap. 5. text. 15. & seqq. ex necessitatibus debet
proce-

procedere. Scot. in 1. distinc. 2. quæst. 2. s. Ad secundam instantiam. Mayron. quæst. 3. in fine, & Gillius lib. 1. tract. 8. cap. 5. num. 11. cum alijs respondent, demonstrationem de Deo à posteriori non procedere ex creaturis prout factis, quomodo sunt contingentes, sed prout factibilibus, qua ratione sunt necessariae. Sed male: quia, esse creaturas factibiles per se præcise ex solis terminis apprehensionis, non est respectu nostri noscibile, sed tantum demonstrabile ex eo, quod facta cernuntur. Ergo demonstratio de Deo non potest non tandem resolui, vt in principium primum, in creaturis prout factas; quo pacto contingentes sunt, & reddit argumentum. Ad illud ergo est respondendum, ad necessitatem demonstrationis facta esse, quod principia necessaria sunt complexa cum conclusione, & alias in se evidenter sint vera, atque adeo etiam necessaria ex suppositione; et si absolute sunt contingentes; ita enim fieri, ut conclusio aliter se habere non possit; suppositis principiis, quod sufficit ad scientiam. Nec amplius putandum est, requirere Arist. loco citato ad demonstrationem in universum. Recole, quæ latius ad hanc rem scriptinus in Pharo Scient. disp. 20. quæst. 11. Ex quibus patet, quomodo Deus ex creaturis, eti ab solutè contingentibus, optimè demonstrari possit.

118 Quartò obiectum. Creatura non inferunt Deum, nisi prout dependentes ab illo, sive cum eo cognexa. Ergo antequam concludatur, Deum esse, debent creature præcognosci dependentes à Deo. Ergo Deum esse in principio demonstrationis debet itidem præcognosci; quia impossibile est, cognoscere aliquid dependens à Deo, & non cognoscere, esse Deum. Ergo, Deum esse, omnino est indemonstrabile per creaturem, quia omnis demonstratio eò tendit, ut notificer in conclusione, quod erat ignotum in præmissis.

119 Respondebat Fasol. dubit. 3. n. 17. [Demonstrationem existentias Dei non procedere ex creaturis dependentibus à Deo determinatè; in quo sensu, inquit, vim habet argumentum; sed solum ex creaturis dependentibus ab aliquà primâ causâ, in quo principio non habemus cognitionem Dei determinatè, & determinatè, sed solum indeterminatè, & in confuso. Vnde deinde concludimus in conclusione cognitionem Dei determinatè, & in particulari]. Verba sunt eius. Sed verò tam argumentum, quām responsio ex non bene penetrata naturā discursus humani videntur prophanasse. Imprimis enim, demonstrari ex creaturis, Deum esse, apud Theologos nihil est aliud, quām demonstrari, esse aliquam primam causam earum; hanc enim in proposito vocant Deum. Si ergo conceptus primæ causæ non demonstratur secundum Fasol, quia præcognoscitur in principio, nec demonstratur, esse Deum in sensu Theologorum. Deinde conceptus primæ causæ ut sic non est demonstrabilis per te; quia ex parte antecedentis demonstrationis præsciri debet; debet autem ita præsciri; quia creatura, quæ pro antecedente assumuntur, præcognosci debent ut dependentes à causâ primâ ut sic, sive (quod in idem recidit) ut connexa cum illâ; & connexionis, sive respectus dependentiæ sine suo termino cognosci nequit. Igitur neque Deus sumptus, ut ait, determinatè, & in particulari, neque aliud quidpiam in universum demonstrabile est, aut per discursum inferibile; quia semper antecedens

dubet prænoscere ut connexum cum consequente. Quo prorsus tollitur è medio discursus humanus.

Dicendum ergo est, omne antecedens obiectum, ex quo consequens obiectuum est inferendum, præcognoscendum esse ut connexum cum ipso consequente, atque ita duo ex parte antecedentis esse indicanda; nempe & esse antecedens, quod expressè, & formaliter indicatur; & illud esse connexum cum consequente, quod solet virtualiter, sive tacite iudicari. Consequens verò, cum quo antecedens iudicatur connexum non debet iudicari in antecedente, eti debet apprehendit simpliciter ut terminus dicta connexionis. Quo locus superest, ut postmodum iudicetur per conclusionem, sciaturque, cum antea non sciretur: nam apprehensio simplex scientia non est. Ecce, quæ ratione discurrimus, seu eviderter, seu probabiliter discurramus, prout fuisse explicui in Pharo, disp. 2. quæst. 5. & rursus disp. 20. Ex quibus ad propositum aio, cum Deus ex creaturis demonstratur, sive ut causa earum prima, sive aliter, iudicari quidem ex parte antecedentis demonstrationis & creature existere, & eas cum Deo existente connecti, sive ab illo pendere; ad hoc tamen sufficere, quod Deus existens apprehendatur simpliciter ex parte ipsius antecedentis indicandus postmodum existens, ut sicut prius cognoscendus simpliciter, sive sciendus per iudicium respondens conclusio, Mitto alia leuiora. quæ ex dictis facile solvi poterunt, aut ex dicendis

QVÆSTIO VII.

Quibus rationibus demonstretur,
Deum esse.

Plures rationes plurimi in medium protulerunt ad demonstrandum, esse Deum, contra Atheistas. Hi sunt ex Ethnicis Plato in Parmenid. & Timo. Arist. lib. 7. & 8. Physic. & lib. 2. Metaph. a tex. 4. & lib. 9. & 12. Metaph. Cicero lib. 2. de natura Deorum cum Crysippo, Cleante, Zenone, ceterisque Stoicis, & alijs. Ex Patribus Clemens Alex. orat. ad Gent. Tertul. in apolog. contra Gent. cap. 17. Dionys. cap. 7. de diuin. nomin. Lactan. lib. 1. diuin. institut. Athanas. orat. contra idolâ ad Mercurium, Nyctem. disp. de resurrect. & anim. August. cum alias, tum lib. 8. de ciuit. Dei cap. 6. Damasc. lib. 1. fidei cap. 3. Anselm. in Monol. cap. 1. & seqq. Ricard. victorlib. 1. de Trin. par. 1. & alijs. Ex Scholasticis Albert. in sum. tract. 3. quæst. 18. Alens. 1. p. quæst. 3. mem. 1. Henr. in sum. art. 22. quæst. 4. Scot. in 1. dist. 2. quæst. 2. S. Th. in 1. dist. 8. quæst. 1. art. 1. & lib. 1. contra Gent. cap. 13. & opusc. 3. cap. 3. & de verit. quæst. 1. art. 4. & 7. & de potentia quæst. 7. art. 2. & 7. & 1. p. quæst. 2. art. 2. vbi eius expositorum Caet. Banez, Zumel, Molin. Valent. Vazq. disp. 20. cap. 4. Fasol. dubit. 1. & seqq. Gillius lib. 1. tract. 8. cap. 7. Tan. disp. 2. quæst. 1. dub. 4. Gran. controu. 1. tract. 1. disp. 2. Arriag. disp. 3. sec. 4. Martinon. disp. 2. sec. 3. & seqq. Franc. Amic. disp. 2. sec. vnic. Pascualig. tom. 1. disp. 7. sec. 5. Præposit. quæst. 2. art. 3. Auers. quæst. 2. sec. 1. Recupit. lib. 1. de Deo quæst. 10. & seqq. Quistos 1. p. disp. 13. & alijs plurimi. Quibus addit. Soar.